

KERATAN AKHBAR

TARIKH : 24 MEI 2023
AKHBAR : BERITA HARIAN
MUKA SURAT : 25

Bank dunia yakin ekonomi Malaysia tidak meleset

Bank Dunia yakin ekonomi Malaysia tidak meleset

Tahun 2023 kekal menjadi tahun sukar bagi ekonomi Malaysia, namun ia tidak tergelincir ke dalam kemelesetan, demikian kata ahli ekonomi.

Ketua Ahli Ekonomi Malaysia Bank Dunia, Dr Apurva Sanghi, berkata beliau melihat masalah kemelesetan adalah tinggi di negara berpendapatan tinggi.

Beliau berkata, sekiranya kemelesetan global berlaku, faktor utama yang menjadi penyumbang kepada kemelesetan kali ini tidak akan banyak berbeza dengan apa yang berlaku sebelum ini.

Katanya, berdasarkan sejarah

yang mencetuskan kemelesetan global adalah disebabkan dasar monetari yang ketat di ekonomi maju, kejutan global dan krisis geopolitik.

"Bagi Malaysia, 2023 akan menjadi tahun yang sukar, tetapi saya bersetuju dengan Bank Negara Malaysia (BNM), Malaysia tidak akan tergelincir ke dalam kemelesetan," katanya dalam ciapan di Twitter.

HSBC Global Research berkata, walaupun berdepan ketidak-tentuan luaran dan domestik, tidak bermakna ekonomi Malaysia akan berdepan kemelesetan.

Ia masih mengekalkan jangkaan pertumbuhan ekonomi Malaysia bagi 2023 pada 4.0 peratus.

Katanya, walaupun pertumbuhan itu lebih perlahan berbanding tahun sebelumnya, namun ia mantap.

Upah terus meningkat

Ekonomi Malaysia terus berkembang pada suku pertama 2023 sebanyak 5.6 peratus, didorong terutama oleh permintaan dalam negeri.

Pasaran pekerja yang bertambah baik serta peningkatan guna tenaga mantap dan upah yang

terus meningkat menyokong penggunaan swasta.

Sementara itu, aktiviti pelaburan disokong pengembangan kapasiti dan projek berbilang tahun yang terus dilaksanakan.

Sementara, inflasi keseluruhan pada suku pertama menurun kepada 3.6 peratus, terutama disebabkan inflasi teras yang sederhana dan harga minyak RON97 lebih rendah.

Pada 2022, ekonomi Malaysia berkembang kukuh 8.7 peratus, sekali gus menjadi ekonomi di rantau ini yang mencatatkan prestasi cemerlang tahun lalu.

Bagi Malaysia, 2023 akan menjadi tahun yang sukar, tetapi saya bersetuju dengan BNM, Malaysia tidak akan tergelincir ke dalam kemelesetan

Apurva Sanghi,
Ketua Ahli
Ekonomi Malaysia
Bank Dunia

